


閩中沿革表



英金
歷中
溢



閩中沿革表序

道光十年大府議重修福建通志延先大人總其事仙遊王君懷佩應大府聘與分纂焉懷佩故從游先大人門精於經史百家之學所撰五代宋元列傳閩越王舊事略閩王舊事略閩中雜記皆謹嚴有史法宮保孫文靖公亟嘉讚之最後成閩中沿革表五卷時先大人已寢疾強起數日覽至終篇喟然謂懷佩曰此書攷訂精礪非獨足備桑梓掌故尤治史學地理者之一助也通志成否未可知子此書宜先刊之暨懷佩歸逾月而先大人已謝世矣今年春喬樅來仙遊懷佩以是書授梓屬喬樅序次其指喬樅

閩中沿革表


序

一

每病史書所紀沿革率多彼此舛錯而府州縣志又或因陋就簡尠能實事求是懷佩畢力鏤薈校正史籍異同及諸家記纂譌誤者凡二百五十餘條著之於篇其要者如東冶縣之別於冶縣東候官之別於候官羅江度屬晉安非今之羅源東平舊屬建安乃今之松溪續漢書郡國志東部侯國卽東部候官之誤元和郡縣志曲邠都尉卽典船校尉之譌新舊唐書志梅青與梅溪皆衍太平寰宇記綏城與綏安互舛定吳立建平爲分上饒之地考唐置長溪爲析溫麻之半順昌縣城卽將水口是隋以前將樂治所龍巖州理卽苦草鎮是唐以後新羅縣地皆千數百年

未晰之疑一旦昭矐發覆靡所疏違後之稽閩中郡縣者
得不奉是書爲圭臬乎喬縱憶曩侍先大人疾聞與懷佩
論沿革語警欬如昨日而忽忽已七更寒暑因綴此以志
風木之感云

道光十九年夏六月侯官陳喬縱序於金石書院



閩中沿革表

序

一一

閩中沿革表目錄

卷一

福建省總表

卷二

福州府表

閩縣

侯官縣

長樂縣

福清縣

連江縣

羅源縣

古田縣

屏南縣

閩清縣

永福縣

興化府表

莆田縣

仙遊縣

卷三

閩中沿革表

卷一

目錄

一

泉州府表

晉江縣

南安縣

惠安縣

安溪縣

同安縣

漳州府表

龍溪縣

漳浦縣

南靖縣

長泰縣

平和縣

詔安縣

海澄縣

延平府表

南平縣

順昌縣

將樂縣

沙縣

尤溪縣

永安縣

卷四

建寧府表

建安縣 甌寧縣 建陽縣 崇安縣 浦城縣

松溪縣 政和縣

邵武府表

邵武縣 光澤縣 建寧縣 泰寧縣

卷五

汀州府表

長汀縣 寧化縣 清流縣 歸化縣 連城縣

上杭縣 武平縣 永定縣

福寧府表

霞浦縣 福鼎縣 福安縣 寧德縣 壽寧縣

閩中沿革表

卷一 目錄

二

臺灣府表

臺灣縣 鳳山縣 嘉義縣 彰化縣

永春州表

德化縣 大田縣

龍巖州表

漳平縣 寧洋縣

閩中沿革表卷一

仙遊 王捷 南 箸

禹貢淮海惟揚州閩當海澨蓋古揚州南境也周官職方

氏始有七閩鄭康成以七為所服國數然其詳亦靡得而

聞焉周官職方注云閩蠻之別也國語曰閩芊蠻矣七周之所服國數疏云鄭語史伯曰蠻芊蠻矣彼不作閩

者蓋後人轉寫誤鄭以閩為正叔熊居濮如蠻後子孫分為七種故謂之七閩按韋昭國語解叔熊為楚子鬻熊之

後十四世其避難居濮在周宣王時如疏說則周初不應先有七閩號矣注義為長又鄭語閩芊並稱蓋謂閩與芊

同是南蠻或謂閩君長有姓芊者亦非路史南越芊姓之越東越姒姓之越是其証史記越世家載

句踐七世孫無疆為楚威王所滅而越以此散諸族子爭

立或為君或為王濱於江南海上東越列傳閩越王無諸

閩中沿革表

卷一

一

東海王搖皆其後也秦并天下置三十六郡乃使尉屠睢

平百越以閩越與東甌地為閩中郡自秦以下沿革異同俱已詳附各表之後

此不復分注以省複文及無諸搖從諸侯滅秦率越人佐漢擊項籍

漢高帝五年復立無諸為閩越王王閩中故地都東冶孝

惠三年舉高帝時越功以閩君搖功多乃立搖為東海王

都東甌自是閩越與東甌始分矣建元中東甌為閩越所

攻請徙中國其地仍入閩越元封初武帝以東甌狹多阻

閩越悍數反覆詔軍吏皆將其民徙處江淮間餘民竄山

谷者後稍稍出立冶縣以理之置回浦縣為南部都尉治

所並屬會稽郡冶縣即東甌舊治回浦在今台州臨海縣

皆非閩越故疆也世祖建武六年廢諸郡都尉惟劇職臨
時乃置事訖罷之順帝永建中始復會稽東部都尉此當

臨海閩越本東部也久之置東部候官候官蓋亦禁備盜賊

之官後遂沿其名以立縣焉先是徙閩越民虛其地漢末
天下亂閩越豪傑皆自立爲長至獻帝時乃有東冶東冶

爲縣總說詳見 候官建安漢興南平五縣孫策使永寧長賀齊平

商升之亂五縣各置長吏立南部都尉於建安而東部都
尉在臨海迨吳主孫休之世別置典船都尉於候官領謫
徒造船晉書地理志因誤謂後漢有候官都尉矣永安三
年置建安郡晉太康三年分建安郡置晉安郡俱隸揚州

閩中沿革表

卷一

二

刺史部元康元年改隸江州宋泰始四年改晉安郡爲晉
平尋復故梁普通五年以建安晉安二郡俱屬東揚州陳

永定初置閩州領二郡而刺史治所在晉安郡天嘉六年
州罷仍舊光大二以晉安郡爲豐州增置南安郡隋平

陳改豐州爲泉州此泉州今福州府併廢建安南安二郡大業初

復爲閩州三年改閩州爲建安郡此建安郡今之福州府唐

武德中平定閩地置泉建豐三州泉州治閩縣建州治建
安豐州治南安此豐州在南安縣又與上豐州別貞觀初隸嶺南道廢豐

州併入泉州嗣聖三年即武后垂拱二年析泉州西南境置漳州

十六年即武后聖曆二年置武榮州尋廢十七年即武后久視元年復置

景雲二年改泉州爲閩州置都督府移泉州名於武榮州
爲泉州府今之泉州始此割嶺南道潮州來屬凡督閩泉建漳潮

五州開元十三年改閩州爲福州二十一年置福建經略
使仍領五州治福州福建之名始於此二十二年開山洞
置汀州以漳潮二州隸嶺南天寶元年復領漳潮二州改
福州爲長樂郡建州爲建安郡泉州爲清源郡汀州爲臨
汀郡漳州爲漳浦郡潮州爲潮陽郡並隸江南東道十載
漳潮二州復歸嶺南至德二載置經畧軍寧海軍乾元元
年改福建經畧爲都防禦使兼寧海軍使仍復長樂建安
清源臨江四郡爲州上元元年升福建都防禦使爲節度

閩中沿革表

卷一

三

使領福泉建汀復兼漳潮寶應元年溫州來屬未幾歸入
越州大秣六年罷節度使置都團練觀察處置使以潮州
歸嶺南而漳州遂留不改元和六年廢寧海軍景福中王
潮據有福建五州之地乾寧三年升福州爲威武軍拜潮
節度使梁開平三年封潮弟審知爲閩王後唐天成元年
王延翰自稱大閩國王長興四年王鏐僭號改元龍啟升
福州爲長樂府晉天福八年王延政僭位於建州國號大
殷增置鏞鐔二州未幾泉漳汀福四州皆爲延政所有延
政遂以長樂府爲東都南唐滅王氏廢鏞州改鐔州爲劍
州漳州爲南州及李仁達之亂以福州歸於吳越而泉南

二州爲留從効所據從効卒陳洪進繼之南唐惟有建汀劍三州耳宋平江南洪進及吳越皆納土福建初屬兩浙南路後乃分爲福建路凡州六軍二福州建州泉州南劍州漳州汀州邵武軍興化軍紹興三十二年升建州爲建寧府景炎元年升福州爲福安府宋史地理志惟載建寧府而不及福安府蓋以福安不久入元而畧之元置行中書省隸屬無定是時分福建爲八路福州路建寧路泉州路興化路邵武路延平路汀州路漳州路惟福州路有福清福寧二州明改各路爲府統於福建布政使司其福州爲縣福寧州初爲縣後復爲州然直隸布政使司不隸

閩中沿革表

卷一

四

府與元制異

國朝仍明舊制康熙二十二年平定臺灣置臺灣府雍正十二年升福寧州爲府升漳州之龍巖縣爲龍巖州升泉州之永春縣爲永春州此福建全省沿革之大畧也謹遵大清一統志

皇輿表以

國朝府州縣爲綱緯以前代自秦至明攷其廢置分併列載於下作沿革表其有史籍異同及諸家紀纂譌誤者備載其文隨條訂晰附各表之後

秦漢三國吳晉南朝隋唐五代宋元明

福建省

閩中地五年帝永安三年人康宋建開皇武德梁時太平至元洪武
 郡地五年帝永安三年人康宋建開皇武德梁時太平至元洪武
 ○總封無置建安郡
 表列諸為越
 秦為閩王此
 首者王閩
 以閩為閩
 國朝置越國
 領府中置越國
 十直郡始元封
 隸州於秦初徙
 二縣也然民江
 六十秦時淮間
 分縣虛其
 之制地後
 無可漢置
 攷故東部
 下府侯官
 州縣屬揚

初置領縣榮州府○州汀路建寧府
 閩州四閩景雲晉天州邵寧路泉州
 領建建安二年福八武軍泉州府漳
 安晉南安改泉年王興化路興州府
 安二龍溪州為延政軍紹化路汀州
 郡刺在史治郡郡晉所在
 嘉天晉安
 年六天
 罷仍州
 舊光元
 大元
 年升
 晉安
 郡為
 豐州
 改晉

潮五年李
 泉漳都東
 閩建為府
 來屬改長福
 潮州二年州
 南道開運升
 割嶺鐸州及
 泉州置鋪寧
 州為置鋪寧
 武榮殷分為
 又改號大建
 晉府州國年
 督都於建十
 閩州於建十
 郡都於建十
 郡都於建十
 郡都於建十

閩中沿革表

卷一

五

各表州會
 惟自稽郡
 漢始
 齊平
 長賀
 永寧
 江使
 策渡
 縣孫
 平五
 興南
 安漢
 官建
 冶侯
 有東
 為長
 白立
 傑多
 越豪
 時閩
 獻帝
 初置領縣榮州府○州汀路建寧府
 閩州四閩景雲晉天州邵寧路泉州
 領建建安二年福八武軍泉州府漳
 安晉南安改泉年王興化路興州府
 安二龍溪州為延政軍紹化路汀州
 郡刺在史治郡郡晉所在
 嘉天晉安
 年六天
 罷仍州
 舊光元
 大元
 年升
 晉安
 郡為
 豐州
 改晉

潮五年李
 泉漳都東
 閩建為府
 來屬改長福
 潮州二年州
 南道開運升
 割嶺鐸州及
 泉州置鋪寧
 州為置鋪寧
 武榮殷分為
 又改號大建
 晉府州國年
 督都於建十
 閩州於建十
 郡都於建十
 郡都於建十

商升
等之
亂五
縣各
置長
吏移
南部
都尉
於建
安仍
屬會
稽郡

安縣
為南
安郡

州開
元十
三年
都仍
改閩
稱福
州為
州南
福州
唐克
二十
一年
鑄鑄
置福
泉漳
建經
汀皆
署使
歸焉
仍領
尋廢
五州
鑄州
二州
改鑄
開山
劍為
洞置
改漳
汀州
為漳
以漳
南州
潮二
莫天

州隸
福十
嶺南
二年
天寶
宏達
元年
以福
復領
州歸
漳潮
於吳
二州
越後
改福
泉南
州為
二泉
長樂
亦為
郡建
留從
州為
効所
建安
據
郡泉
州為
清源
郡汀
州為
臨汀
郡漳

閩中沿革表

卷一

閩中沿革表

卷一

七

都使經福年元南歸州潮載道南隸郡潮州郡漳州
防為畧建改元乾嶺復二漳十東江並陽為潮浦為

漳復建福使節使防建升元上為四長清建長仍禦
潮兼汀泉領度為禦都福年元州郡汀源安樂復使

閩中沿革表

卷一

使

節武為察練都年寧南歸潮使處觀團置度罷六
度軍威使觀觀圍練都使節年秣

八

秦

史記東越傳閩越王無諸

集解韋昭曰閩東越之別名

及越東海

王搖者其先皆越王句踐之後也姓騶氏秦已并天

下皆廢為君長以其地為閩中郡

集解徐廣曰今建安候官是

案晉分建安郡為晉安郡候官屬晉安不屬建安

廣晉代人猶曰建安者殆舉古號而言漢書閩越

列傳文與史記同惟無已皆二字顏師古注閩中

郡今之泉州候官是也師古時所謂泉州即今福

州其云候官正本廣說然秦閩中郡實兼閩越東

甌地不可專以候官一縣當之或謂郡治在候官

閩中沿革表

卷一

九

而史亦無明文也闕之為是

晉書地理志始皇初分天下為三十六郡於是興師

踰江平取百越置閩中南海桂林象凡四十郡又云

建安郡故秦閩中郡

宋書州郡志建安太守本閩越秦立為閩中郡

案晉宋時閩地皆分建安晉安二郡惟於建安下

言秦閩中郡者自吳始置建安一郡蓋統秦時閩

越之境二書尚沿吳舊稱之其實晉安亦秦閩中

地也

元和郡縣志福州禹貢揚州之域本閩越秦并天下

以閩中下郡作三十六郡之數

案閩中不在三十六郡之數李吉甫失之不攷當從晉志及淳熙三山志

淳熙三山志史記始皇帝紀二十六年分三十六郡三十三年置桂林南海象郡其閩中郡在置諸郡之後史闕其年

漢

史記東越傳漢五年復立無諸爲閩越王王閩中故地都東冶

案上閩中郡不言冶何地此言都東冶者明東冶

閩中沿革表

卷一

十

建都自無諸始也漢書閩越傳無東字師古注冶地名卽候官縣是也嚴助傳閩王以八月舉兵於冶南蘇林注冶山名今名東冶林魏黃初人後人多據其言以爲漢初無東冶號司馬遷據武帝時所稱立文此恐不然漢書地理志有冶縣無東冶縣而紀傳亦不見有東冶字蓋元封後虛其地故班固畧之後漢書鄭宏傳三國志王朗傳孫策傳呂岱傳賀齊傳皆稱東冶則爲遷所不及知必漢以前已有東冶名遷乃據之以入傳至後漢又舉其名以立縣耳漢時冶地所該甚廣自今福州以

至台州皆是大概以產鐵得名閩書據張勃吳錄謂松溪縣有湛盧山區冶鑄劍於此福州在建寧東南故曰東冶又云冶南說頗得之後人見漢書閩越傳作都冶因謂東冶卽武帝時所立冶縣而不知其非一地也辨見下文

漢書地理志會稽郡冶

師古注本閩越地

回浦

南部都尉治

續漢書郡國志會稽章安故冶閩越地光武更名

劉昭

注晉元康記曰本鄞縣南之迴浦鄉章帝元年立未詳

永寧永和三年以章安

縣東甌鄉爲縣東部侯國

晉書地理志建安郡故秦閩中郡漢高帝五年以立

閩中沿革表

卷一

十一

閩越王及武帝滅之徙其人名爲東冶又更名東城後漢改爲侯官都尉

宋書州郡志建安太守本閩越漢武帝世閩越反滅之徙其民於江淮間虛其地後有遁逃山谷者頗出立爲冶縣屬會稽司馬彪云章安是故冶然則臨海亦冶地也張勃吳錄云閩越王冶鑄地故曰安

案曰安二

字疑名按之譌

閩王冶此不應偏以受名蓋勾踐冶鑄之所

故謂之冶乎閩中有山名湛疑湛山之鑪鑄劍爲湛鑪也後分冶地爲會稽東南二部都尉東部臨海是也南部建安是也

通典福州漢高帝立無諸爲閩越王都於此及武帝時閩越反滅之徙其人於江淮間盡虛其地後有遁逃山谷者頗出立爲冶縣屬會稽郡又名其地爲東冶縣後漢改爲候官都尉屬會稽郡後分冶地爲會稽東南二部都尉

元和郡縣志福州卽閩中郡之地也漢立無諸爲閩中王王故地郡又有冶縣按冶卽今台州章安故縣是也後漢改爲東候官又建州本秦閩中地也漢於其地立冶縣屬會稽郡後漢改冶爲東候官

舊唐書地理志福州閩漢治縣屬會稽郡秦時爲閩中郡漢高帝立閩越王都於此武帝誅東越徙其人於江淮空其地其逃亡者自立爲冶縣後更名東冶縣後漢改爲候官都尉屬會稽郡

太平寰宇記福州古閩越之地漢武帝時閩越反因滅之徙其人於江淮間盡虛其地後有遁逃山谷者頗出因立爲冶縣以理之其道蓋以越王冶鑄爲名屬會稽郡尋爲東冶縣後漢改爲候官都尉屬不改後分冶地爲會稽東南二部都尉此爲南部都尉東部今臨海是也

淳熙三山志元封元年武帝以東越阻悍數反覆遷

其民江淮間遂虛其地後稍稍出因自立為治縣前

漢及晉以來地理志並無此縣前漢志有治縣疑

是治字然攷之後漢志乃在章安今台州臨海縣地

也惟晉志云武帝滅之徙其人名為東治漢置會稽

舊唐志云其遁亡者自立為治縣得之漢置會稽

南部都尉於塞上以禁備之治回浦有鄞縣南回浦鄉

備羗夷犯塞者自武帝既廢東越遂於塞上置治前

以處近境之民又置回浦郡諸縣之後顏師古注治縣

漢志此兩縣最在會稽郡南部都尉治是也治縣

曰本閩越地注回浦曰南部都尉治是也治縣

臨海舊東甌之地本閩越地至餘善皆得而有之治縣

名為閩中謂之閩越地可也宋書志引張勃吳秦錄統

云閩越王治鑄地後人因之遂以漢嘗置治閩

今州治去臨海地後二百里若置縣在此其界至臨閩

海則前漢表縣大率方百里安得一縣如此之遠乎永

況治縣始改為章安續又分章安南為永寧不應永永

寧分治縣其中而南北都尉東部臨海是也南

後分治縣為東南二部都尉東部臨海是也南

閩中沿革表

卷一

十三

安是也此後漢至吳時所分吳時多指東越之光武光武

地為東治故云爾以為漢嘗置治縣於此則誤光武

時罷都尉時遂廢後復置南部建安初始有候韓晏領南部都

尉將兵討之八年始置府於建安韓晏領南部都

以賀齊代之八年始置府於建安韓晏領南部都

官等五縣元舊記謂光武以為東候官未見其據建安

東治候官長商升不納賴虞翻說之乃為起兵策復復

遣將擊之是時縣皆豪傑自立可知也未幾升降於

賀齊建安南平漢興三縣復反又其後東治五縣始隨

四縣名見前其一史闕書自孫氏時五縣既平始隨隨

立為縣或乃以遁逃者出漢復立為治縣亦誤矣

八閩通志光武罷都尉後又分治地為東南二部都一一

尉分東甌為東部治臨海分閩越為南部治建安故

也去此為南部建安初始有候官即今漳州興化建安

寧即今建寧府南平即今延平府漢興即今浦城縣等五縣其一史闕

案治縣在今溫州東治縣在今福州治縣西漢元

封後所立以處閩越及東甌遁逃之民東治縣東

漢末民所自立自晉書地理志以下皆以治縣與

東治縣混而爲一其誤始於漢書閩越傳都冶二

字然漢書地理志會稽郡治縣淳熙三山志云漢志治縣疑是冶字

案今本正作冶梁克家所見本字譌耳在富春之下回浦之上似非

指無諸所都疑閩越傳本有東字而後人轉寫脫

之治與回浦二縣在會稽諸縣之末明是後來所

立班固惟於回浦下自注南部都尉治而治縣無

閩中沿革表

卷一

十四

注顏師古謂本閩越地蓋即據司馬彪續漢書郡

國志章安故冶一條此條劉昭注引晉元康記曰

本鄞縣南之回浦鄉章帝元年立則章安即回浦

矣而彪本文謂章安故冶閩越地殊不可解近全

祖望鮎埼亭集漢會稽三都尉分部錄謂續郡國

志有闕交會稽第十四縣曰東部侯國乃東候官

之誤當云章安故回浦候官故冶蓋猶是執冶縣

在閩之說也攷三國志虞翻傳裴松之注引會稽

典錄朱育對濮陽興曰元鼎五年除東越因以其

地爲冶並屬會稽而立東部都尉後徙章安育此

語在司馬彪之前當可據依惟史記漢書皆云漢兵入東越在元封元年而育錯記爲元鼎五年耳是時所稱東越多指東甌徐廣解東甌爲永寧卽今溫州續郡國志永寧縣在章安縣之下以班志及劉昭朱育所言證之當云章安本回浦永寧故冶則於沿革之原委瞭然矣永寧與閩接壤西漢立冶縣於此以理山谷遁逃之民方於情事相合若在章安則去閩地遼遠此理之必不然者至東侯官三字始見於沈約宋志晉安郡侯官縣條蓋是吳永安後東冶縣廢爲典船校尉始有此稱後

漢時不得有東侯官也辨見福州府表三國志虞翻傳有東部侯官語續郡國志東部侯國四字或只是東部侯官之譌志中每郡侯國多冠以縣名漢無東部縣而亦無東部侯則國爲誤字甚明東部侯官之設當在安帝永初以後其始蓋爲邊地巡候盜賊之官未必卽是縣名觀志中涼州刺史部張掖屬國有侯官與縣道並數九十八可以比例彪志會稽郡末言東部侯官猶之班志會稽郡末言南部都尉耳侯官秩卑於都尉東部都尉在山陰閩越雖久虛其地至此民生漸集又立東部

候官以蒞之班志凡都尉皆注在各縣下永初後
閩中尙未立縣邑故惟言東部候官候官如今巡
檢司之有城者會稽郡十四城自山陰至永寧纔
得十三併東部候官而爲十四若以東部所屬俱
爲侯國旣空荒無所繫且又不合十四城之數矣
民所自立東冶縣必是漢末衰亂東部候官失其
職豪傑乘間竊據因古號以爲縣名與元封中所
立冶縣自別晉書地理志誤以東冶爲武帝所徙
宋書州郡志冶縣雖引司馬彪語然玩其文義似
以章安建安皆爲冶地而冶縣仍在閩中者通典

謂冶縣卽東冶縣蓋承晉志之誤元和郡縣志以
章安故縣爲冶說尙未確末又本宋志謂後漢改
爲東候官而於福州建州兩言之則自相矛盾矣
舊唐書地理志知有逃亡者自立而云冶縣後更
名東冶是不知冶縣爲元封後所立太平寰宇記
知遁逃者頗出立爲冶縣以理之而云尋爲東冶
縣是不知東冶縣爲民所自立皆未免舉其一而
遺其一也淳熙三山志辨冶縣之不在福州又以
漢末五縣爲豪傑所自立其說良是然不能訂續
漢志及宋志之誤而東冶有縣明見於晉志通典

舊唐書地理志太平寰宇記乃疑爲閩地之總號而謂五縣史闕其一此其蔽耳三國志賀齊傳王朗奔東冶候官長商升爲朗起兵又云候官旣平而建安漢興南平復亂呂岱傳會稽東冶五縣賊呂合秦狼等爲亂據此東漢末閩中實有五縣蓋其先只自立東冶一縣後乃以候官職名爲縣名而益以建安漢興南平惟東冶之名最舊候官次之故史家多舉東冶以該閩地其實東冶亦縣也三山志不敢數東冶爲縣然則諸書所言東冶縣者果何在乎賀齊傳又云討冶復立縣邑明前此

爲豪傑自立及討平後始因之以置吏然是時閩地未盡懇闢東冶候官二縣所管大約尙在螺江之北八閩通志謂候官併今福州興化泉州漳州四府之地疑未然也

又案漢會稽有東西南三部都尉班志惟言西部治錢塘南部治回浦而東部不載在何縣近全祖望三都尉分部錄據李宗諤圖經文帝時都尉治山陰元狩中始移錢塘以爲漢初祇一都尉治山陰其後分爲東西部乃移山陰之治於錢唐而以山陰隸鄞爲東部此語誠足補漢志之遺然祖望

謂東漢既分郡畫江爲界置西部於太末而東部治章安南部治候官則又不免於朶決矣沈約宋志謂後分治地爲會稽東南二部都尉東部臨海南部建安此乃漢末孫策渡江以後事至吳永安中置建安郡復於東冶故地置典船校尉

案元和郡縣志

作曲郡都尉曲郡蓋典船二字之譌今據宋書州郡志訂正

領謫徒造船是時

東冶併入候官而校尉或作都尉晉志因謂後漢有候官都尉然典船都尉與南部都尉別南部都尉在建安不見移置候官晉志成於唐初諸人之手約所載視晉志爲古自當以約言爲正

案顧祖禹方輿

閩中沿革表

卷一

十八

紀要亦云通典後漢設候官都尉語未可據

或謂孫策未渡江以前候

官既繫之東部何以至此改屬南部班志南部治回浦疑東漢只移回浦之治於建安而候官未嘗屬東部者不知後漢都尉分部與前漢不同續漢書郡國志中興建武六年省諸郡都尉并職太守無都試之役章懷太子注引應邵曰每有劇職郡臨時置都尉事訖罷之本紀安帝永初四年置長安雍二營都尉則諸郡都尉當亦永初後所復順帝紀陽嘉元年海賊曾旌等攻會稽東部都尉東部都尉始見於此而西南二部都尉不見於後漢

書惟三國志有之蓋自永建四年畫江分郡

案畫江分

郡見吳志虞翻傳注引會稽典錄文

會稽郡惟置東部都尉無西南

二部故於閩地設東部候官三國志賀齊傳建安元年候官長商升爲王朗起兵策遣永寧長韓晏領南部都尉將兵討升足見南部都尉尙是臨時置者齊進兵建安立都尉府事在建安八年至此南部都尉始有專職則候官之初爲東部後屬南部無可疑者吳主亮傳太平二年二月以會稽東部爲臨海郡八月會稽南部反殺都尉吳主休傳永安三年以會稽南部爲建安郡東部在臨海南

閩中沿革表

卷一

十九

部在建安正與沈約宋志合東部初治山陰後移臨海而建安南部則孫氏所增與西漢回浦之南部無涉回浦之南部中興初已與東西二部並廢必泥班志所載以爲後漢移回浦之治於建安不其惑歟諸郡都尉初名郡尉班志百官公卿表云郡尉秦官掌佐守典武職甲卒秩比二千石景帝中二年更名都尉外此有關都尉農都尉屬國都尉續漢志有障塞尉掌禁備羗夷犯塞皆與郡都尉職掌各異三山志乃謂回浦之南部都尉卽障塞尉且又不攷西漢時尚無是官也其疎甚矣

吳

三國志孫休傳永安三年以會稽南部爲建安郡

案自吳以後州郡所領縣俱詳各府表此悉從畧以省複文

晉

晉書地理志晉平吳分建安立晉安郡

太平寰宇記晉廢建安郡以舊屬邑隸晉安郡東晉又立

案晉書不見有廢建安郡事說見建寧府表

淳熙三山志太康三年隸揚州元康元年隸江州

閩中沿革表

卷一

二十

案晉書地理志孫氏時揚州統丹陽吳會稽吳興新都東陽臨海建安豫章鄱陽臨川安成廬陵南部晉平吳分建安立晉安郡惠帝元康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂陽安成合十郡因江水之名而置江州據元和郡縣志有司奏分江州在元康元年其定立江州則在三年也 三山志蓋本於此揚州治建康江州初治豫章移治尋陽

宋

宋書州郡志江州建安太守晉安太守

齊仍宋制不改

梁

元和郡縣志建安晉安二郡宋齊梁皆以封子弟為王

淳熙三山志梁天監中置南安郡

以晉安縣地置時始置龍溪縣遂以

晉安縣為南安郡而屬焉隋志梁武帝天監十年有州二十三郡三百五十其後頻事經畧開拓閩越謂

此普通六年遂以晉安建安南安三郡屬東揚州

是先

宋武帝惡江州疆大常欲分之孝建元年因討平臧質遂分揚州之會稽東陽新安永嘉臨海五郡為東揚州刺史治所在會稽至是遂以三郡屬之從其近也

案梁自天監至廣運俱無置南安郡事三山志注

閩中沿革表

卷一

二十一

引隋志天監十年以後頻事經畧開拓閩越為證本隋書地理志總敘中語然敘乃約畧之詞安可據之以為增南安一郡三山志殆因梁置龍溪縣而見龍溪後屬南安故其說云爾不知龍溪此時尚屬晉安也陳書世祖紀言晉安建安郡者凡三又章昭達傳亦祇言建安晉安二郡是陳書尚不見有南安郡惟隋志南安縣注舊曰晉安置南安郡平陳郡廢王象之輿地紀勝以為陳所置是也三山志蓋誤

陳

隋書地理志陳置閩州仍廢後又置豐州

陳書廢帝紀光大二年割東揚州晉安郡爲豐州
通典陳置閩州後又改爲豐州

案太平寰宇記輿地廣記皆與通典同

元和郡縣志陳廢帝改爲豐州又爲泉州

案陳未嘗改豐州爲泉州元和郡縣志誤

淳熙三山志陳永定初升爲閩州領三郡始爲刺史

治所

時以陳寶應
爲閩州刺史

天嘉六年州罷

以寶應
敗故廢

還屬東揚

州光大六年復升爲豐州

案光大只二年六字乃二字之譌

閩中沿革表

卷一

二十二

輿地紀勝陳永定元年置閩州尋廢光大元年置豐
州又置南安郡

案置豐州廢帝紀在光大二年此作元年小異然
記置南安郡在置豐州之後可以訂三山志之誤
蓋永定初閩州只領晉安建安二郡光大間置豐
州方兼領南安郡也

隋

隋書地理志建安郡

陳置閩州仍廢後又置豐州平
陳改曰泉州大業初改曰閩州

案隋書煬帝紀大業三年改州爲郡此據大業三
年以後修入也建安郡卽今福州與上建安郡別

通典隋平陳改豐州爲泉州煬帝初置閩州復改爲建安郡

元和郡縣志隋大業二年改泉州爲閩州三年改爲建安郡

太平寰宇記隋平陳改豐州爲泉州因泉山爲名煬帝初改爲閩州又改爲建安郡

淳熙三山志隋開皇九年陳平改豐州爲泉州廢建安南安二郡來屬大業初改爲閩州三年改爲建安郡

輿記廣記隋平陳郡廢改豐州爲泉州大業初州廢

閩中沿革表

卷一

二十三

立建安郡

案自陳置閩州以來郡太守皆如故蓋以州刺史統領三郡也隋平陳始廢三郡立泉州至大業初又廢州專立建安一郡以治閩地諸書紀載多不晰輿地廣記此條最簡覈惟闕載改閩州一事耳

唐

通典建安郡建州今理建安縣大唐武德四年置長樂

郡福州今理閩縣大唐爲建州後此置泉州移建州於建安縣後

此復爲閩州移泉州於晉江縣開元十三年改爲福州清

源郡泉州今理晉江縣大唐神龍以後始移置泉州於此

漳浦郡漳州

今理漳浦縣

歷代土地與長樂郡同大唐

分其地置漳州 臨汀郡汀州

今理長汀縣

歷代土地與

長樂郡同大唐開元二十六年分置汀州

案天寶後改州爲郡故諸州皆以郡名首建安郡者隋時閩地惟置建安一郡唐初廢郡置建州治建安縣承隋舊制故先言建州也元和郡縣志作二十一年置汀州新舊二唐志作二十四年新唐書方鎮表作二十二年皆與通典異今於總表依方鎮表以經畧使增領在二十二年也說詳汀州府表

閩中沿革表

卷一

二十四

元和郡縣志福州隋建安郡武德六年改爲泉州八年置都督府景雲二年又爲閩州開元十三年改爲福州都督府兼置經畧使仍自嶺南道割屬江南東路 建州隋氏喪亂建安縣人擁衆自保武德四年歸附遂於建安縣置建州 泉州舊理閩縣今泉州本南安縣地久視元年縣人孫師業訴稱赴州遙遠遂於南安東北界置武榮州景雲二年改爲泉州卽今理是也 漳州本泉州地垂拱二年置 汀州開元二十一年置

案開元十三年改閩州爲福州都督府仍領福泉

建漳潮五州見舊唐書志經畧使置在開元二十一年此謂十三年兼置非是江南東路路字當作道唐制名道不名路也

舊唐書地理志福州中都督府隋建安郡之閩縣貞觀初置泉州景雲二年改爲閩州置都督府督泉建漳潮五州開元十三年改爲福州依舊都督府仍置經畧使二十三年罷漳潮二州令督福建泉汀四州舊屬嶺南道天寶初屬江南東道尋改爲長樂郡乾元元年復爲福州都督府 泉州中舊治閩縣開元後移泉州治於南安縣聖秣二年分泉州之南安莆

閩中沿革表

卷一

二十五

田龍溪三縣置武榮州三年州廢三縣還泉州久視元年又以三縣置武榮州景雲二年改爲泉州天寶元年改泉州爲清源郡乾元元年復爲泉州 建州中隋建安郡之建安縣武德四年置建州領綏城吳興建陽沙將樂邵武等縣天寶元年改爲建安郡乾元元年復爲建州 汀州下開元二十四年開福撫二州山洞置汀州天寶元年改爲臨汀郡乾元元年復爲汀州 漳州垂拱二年置天寶元年改爲漳浦郡舊屬嶺南道天寶割屬江南東道乾元元年復爲漳州

案改建安郡爲泉州在武德六年置經畧使在開元二十一年罷漳潮二州在二十二年此云貞觀初置泉州開元十三年置經畧使二十三年罷漳潮二州皆非

唐書地理志福州長樂郡中都督府本泉州建安郡治武德六年別置景雲二年曰閩州開元十三年更州名天寶元年更郡名 建州建安郡上武德四年置 泉州清源郡上本武榮州聖祿二年析泉州之南安莆田龍溪置治南安後治晉江三年州廢縣還隸泉州久視元年復置景雲二年更名 汀州臨汀

閩中沿革表

卷一

二十六

郡下開元二十四年開福撫二州山洞置漳州漳浦郡下垂拱二公析福州西南境置 右江南東道採訪使治蘇州

唐書方鎮表開元二十一年置福建經畧使領福泉建漳潮五州治福州二十二年增領汀州漳潮二州隸嶺南道經畧使天寶元年福建經畧使復領漳潮二州十載漳潮二州復隸嶺南經畧使乾元元年改福建經畧使爲都防禦使兼寧海軍使上元元年升福建都防禦使爲節度使大祿六年廢福建節度使置都團練觀察處置使乾寧四年升福建都團練觀

察處置使爲威武軍節度使

太平寰宇記建安郡唐武德八年又爲豐州升置都

督府貞觀初置泉州景雲二年改爲閩州都督府督

閩泉建漳潮五州開元十三年改爲福州依舊都督

府仍置經畧使二十三年罷漳潮二州督福建泉汀

四州舊屬嶺南道天寶初屬江南東道

淳熙三山志唐武德元年改建安郡爲建州四年移

建州於建安五年以南安爲豐州六年析置泉州八

年置都督府領建豐三州貞觀初隸嶺南道廢豐州

景雲二年改爲閩州都督府是歲六月分天下置汴齊兗魏冀并蒲鄜涇秦

閩中沿革表

卷一

二十七

益綿遂荆岐通梁襄揚越安潤洪潭二十四郡都督閩六月置按察使七月停新置都督府是時二十四

郡都督之命並不行惟閩州都督乃領泉建漳潮五

是歲正月指揮不在停廢之列者也開元十

州先是垂拱二年析置漳州聖秣二年以舊三年改爲福州都督府二十一年置經畧使二十二

年以漳潮歸嶺南督泉建汀四州二十一年置汀州天寶元

年改隸江南東道復領漳潮二州十載復以漳潮二

州歸嶺南舊記云非至德二載置經畧寧海軍乾元元

年改爲都防禦使兼寧海軍使復爲福州都督府上

元元年升節度使領州六舊記云代宗時領溫州治

攻陷台溫明三州李承昭率兵破之遂以溫州來屬未幾歸越州案唐書台州人袁鼂僭號改元寶勝李

光弼遣將破之於衢州廣德二年鼂伏誅免越州今歲田租之半三州給復一年其間來屬未詳姑載之

大祿六年罷節度置都團練觀察處置使以潮州歸嶺南乾寧三年升爲威武軍節度使

案唐書百官志防禦使條注云景雲二年置都督一二十四人察刺史以下善惡揚益并荆四州爲大都督汴兗魏冀蒲綿秦洪潤越十州爲中都督齊鄜涇襄安潭遂通梁夔十州爲下都督當時以爲權重難制罷之惟四大都督如故置十道按察使道各一人開元末改爲採訪處置使分十五道百官志不見有閩州都督而淳熙三山志謂二十四

郡都督之命並不行惟閩州都督乃是歲正月指揮不在停廢之列此語必有所本正與舊唐志景雲二年閩州置都督府語合通典職官門都督條云自景雲二年四月始以賀拔延嗣爲涼州都督充河西節度使其後諸道因同此號似前此無都督之稱然元和郡縣志謂武德八年置都督府太平寰宇記因之皆與歐書百官志異攷唐會要武德七年二月改大總管府爲大都督府管十州以上爲大都督府不滿十州爲都督府殆唐初置是職不久卽廢故史闕書八閩通志謂貞觀初隸嶺

南道疑都督府廢於是歲理或然與通典又謂太極初以并益荆揚爲四大都督府開元十七年加潞州爲五其餘都督定爲上中下等上都督府五中都督府十三下都督府十六此則有三十四都督不僅二十四或者閩州都督卽在三十四數中亦未可知唐書方鎮表開元二十一年置福建經畧使據百官志諸道罷都督乃置使則旣置經畧使不當復稱都督其後改爲防禦節度團練觀察等使亦如之故表中並無都督二字二唐書地理志所錄州縣明據天寶以後制而於福州皆以都

督府提綱非也唐初析置泉建豐三州皆在武德四年以後貞觀初廢豐州併入泉州以二唐志攷之自明太平寰宇記謂武德中豐州升置都督府又誤謂貞觀初置泉州而淳熙三山志乃謂武德元年改建安郡爲建州則尤不攷武德四年以前唐兵尙未入閩中此皆無庸置喙者

又案通鑑貞觀元年二月分天下爲十道泉建皆隸江南道方輿紀要謂福建唐屬江南道開元中分隸汀南東道自注據唐六典而元和郡縣志舊唐書地理志太平寰宇記淳熙三山志皆云舊屬

嶺南道後改江南東道輿地紀勝引會要文與諸書同其說相沿已久仍之

輿地紀勝隋末陷於蕭銑移置建州於建安縣

新唐書在

武德四年而通鑑載唐以武德五年方有泉建二州不應武德四年豫立州名也當攷

唐平蕭

銑有泉建二州而泉建始並置矣

通鑑唐武德五年使者王義童下泉

睦建三州而泉建已并置矣圖經謂武德未有泉州新唐志謂武德六年別置建州是皆未攷武德五年

之所紀也又以南安縣置豐州

新唐志在武德四年

案唐書蕭銑傳及資治通鑑所載銑事銑初據巴陵後襲豫章克之武德元年徙都江陵其地東抵九江西至三峽南盡交趾北距漢川俱與閩中無

閩中沿革表

卷一

三十

涉是時林士宏據饒撫等州張善安據虔吉等州楊世畧據循潮二州自餘杭以至會稽始陷於沈

法興法興敗遂屬李子通雖皆與閩地相近然史究不言閩地爲何人所據也通鑑隋大業九年七

月餘杭民劉元進起兵以應楊元感

案唐書高祖本紀作劉元

進起晉安誤

江左賊朱燮管崇共迎元進推以爲主據

吳郡稱天子毗陵東陽建安豪傑多執長吏應之

十一月吐萬緒連破元進元進退保建安緒道卒

帝復遣江都丞王世充發淮南兵討元進世充渡

江頻戰皆捷元進敗死於吳

胡三省注元進退於建安而得拒世充於

江上者蓋復來也據通鑑元進卽於是年敗死
唐書高祖本紀武案德五年正月楊世畧劉元進降
誤衍劉元
進三字

世充悉阬降者於黃亭澗由是餘黨復
相率爲盜官軍不能討以至隋亡元和郡縣志謂
隋氏喪亂建安縣人擁自保當卽是元進之餘
黨王象之以爲陷於蕭銑誤矣通鑑載武德五年
正月唐使者王義童下泉陸建三州攷四年十一
月李子通已爲杜伏威所執餘杭諸郡悉平故義
童得由浙以入閩象之據通鑑駁唐書志武德四
年置建州以爲不應豫立州名此說又恐不然唐
志實據通典元和郡縣志杜佑李吉甫皆以唐人

述唐事未必出於無徵八閩通志云武德四年移
建州於建安尋爲妖賊武遇所陷五年刺史謝元
治敗之而復其地此語宜本之閩中記等書其移
建州或卽在李子通初平之時蓋改建安郡爲建
州而移之非是豫立州名謝元治復建州不知在
何月約其事必在義童未至之先通鑑但言義童
而不及元治知其歸功於義童也元和郡縣志福
州條云武德六年改爲泉州而八閩通志於長樂
連江兩縣皆云武德六年都督王義童析置新寧
溫麻則泉州爲武德六年置無疑輿地紀勝注引

唐書志武德六年別置建州建字乃泉字之譌詳見福州府表義童入閩既在五年春而得先有泉州名者史家以後來所置追書耳

八閩通志上元元年升節度使領福泉建汀漳潮六

州

閩中記云天寶二年割潮州歸嶺南三山志云十載復以漳潮歸嶺南且註云舊記言二年非故大

秣六年罷節度下又注以潮州歸嶺南是天寶十載歸嶺南後二州又來屬至大秣六年潮州復歸嶺南

而漳州遂留不復去矣此云領州六年其為福泉建汀漳潮無疑閩中記乃謂上元二年管温州而三山志

亦收入注中似欲以補六州之數然寶應元年温州攷其所記年號前後顛錯恐不足信

來屬未幾遂歸越州大秣六年罷節度使置都團練觀察處置使以潮州歸嶺南元和間廢經畧寧海軍

閩中沿革表

卷一

三十二

其後王潮據有此土至乾寧三年升為威武軍以潮為節度使

案八閩通志上元元年六州并數潮州可以訂三山志之誤餘與三山志同者不複錄

五代

淳熙三山志梁開平三年封王審知為閩王貞明六年升為大都督府唐天成四年王延翰偽建大閩國長興四年王延鈞僭號改元龍啟升福州為長樂府

晉天福八年王延政僭號於建州國號殷

以將樂縣為鏞州延

平鎮為鏞州

開運二年延政復稱閩王以福州為東都領

州七其年延政爲南唐所滅漢乾祐元年李仁達舉

國歸吳越

是歲改鐔州爲劍州

周廣順元年改爲彰武軍

避周太祖

名

案唐末審知盡有全閩五州之地三山志特就福州言耳泉建汀漳四州審知時皆如唐舊及延鈞僭號改福州爲長樂府延政以鏞鐔二州合福泉建漳汀爲七其時改殷爲閩僭號如故非稱閩王也南唐旣滅王氏廢鏞州改鐔州爲劍州漳州爲南州而福州爲李仁達所據漢乾祐元年仁達舉福州十一縣歸於吳越其建汀劍泉南五州及尤

閩中沿革表

卷一

三十三

溪德化順昌三縣仍屬南唐三山志語殊不晰留從効據泉南二州雖專制一方然尙稱臣南唐受其官爵故亦統於南唐云

馬令南唐書建國譜序建州保大三年取陞永安軍節度俄改忠義後降軍事汀州保大三年取劍州保大三年置漳州保大三年取改爲南州俄復舊泉州保大三年取陞清源軍節度使福州保大三年取羈

縻而已

案陸游南唐書泉州陞軍在保大七年馬令誤

宋

太平寰宇記福州

長樂郡今理閩縣

皇朝爲威武軍節度

南劍州

劍浦郡今理劍浦縣

以西有劍州此故名爲南劍州

建州

建安郡今理建安縣

皇朝爲建寧軍節度邵武軍

理邵武縣

本建州邵武縣地皇朝太平興國五年置泉州

清源

郡今理晉江縣

皇朝爲平海軍節度

漳州

漳浦郡今理漳浦縣

汀

州

臨汀郡今理長汀縣

興化軍本泉州莆田縣地皇朝太平

興國四年置

元豐九域志大都督府福州長樂郡威武軍節度治

閩候官二縣 上建州建安郡建寧軍節度治建安

縣上泉州清源郡平海軍節度治晉江縣 上南

劍州劍浦郡軍事治劍浦縣 下汀州臨汀郡軍事

閩中沿革表

卷一

三十四

治長汀縣

下漳州漳浦郡軍事治龍溪縣同下

州邵武軍治邵武縣 同下州興化軍治莆田縣

案宋史職官志親王爲節度則大都督領之庶姓

爲節度則長史領之端拱初越王爲威武軍節度

福州大都督府長史淳化五年吳王爲淮南節度

揚州大都督府長史翰林學士張洎草制再表援

引典故宰相言越王已爲長史上曰業已差悞異

日有除并改正之至道後因移鎮遂爲大都督據

此親王領藩乃有此稱自元豐九域志沿越王之

舊加大都督府四字其後輿地廣記輿地紀勝宋

史地理志皆同之而不知其非常職也當依太平寰宇記爲是

宋史地理志福建路州六福建泉南劍漳汀軍二邵武興化縣四十七南渡後升建州爲建寧府

元

元史地理志福州路至元十五年升爲路十八年遷泉州行省於本州十九年復還泉州二十年仍遷本州二十二年併入杭州建寧路至元二十六年升爲路泉州路至元十四年立行宣慰司兼行征南元帥府事十五年改宣慰司爲行中書省升泉州路

閩中沿革表

卷一

三十五

總管府十八年遷行省於福州路十九年復還泉州二十年仍遷福州路興化路至元十四年升爲路邵武路至元十三年升爲路延平路至元十五年升南劍路後改延平路汀州路至元十五年升爲路漳州路至元十六年升爲路

八閩通志元至元十四年置福建廣東道提刑按察司十五年置福建行中書省十六年改置宣慰使司

省俱治福州二十年復置行中書省宣慰司罷宣慰司罷二十二年

改置宣慰使司併入江西行省二十三年復置行中書省宣慰司罷二十四年改爲行尚書省二十八年改置

宣慰使司併入江西行省改福建廣東道提刑按察司爲福建閩海道肅政廉訪司按治帥府漕司軍民司屬二十九年復置行中書省宣慰司罷大德元年立福

建平海行中書省徙治泉州平章高興言泉州與琉球相近或招或取易得

其情故徙之三年改置宣慰使司都元帥府仍徙治福州

據三山續志如此攷之元史本紀謂至元十五年屬

贛州行中書省增置提刑按察司十七年徙行省於

泉州二十年改按察司爲福建閩海道併泉州行省

入福州罷福建宣慰司復立行中書省於漳州二十

謂一年以管如德爲泉州行省參知政事而地理志又

泉州十五年改宣慰司爲行中書省十八年遷行省

於福州十九年復還泉州二十年仍遷福州二十二

年併入杭州百官志又謂二十三年并入江浙俱與

三山續志不同未知孰是竊詳三山續志脩於元致

和問一代典籍尙存必有所據而元史則脩於易代

之後典籍未免散佚容有未審疑當以三山續志爲

正且元史本紀地理志百官志本一至正十六年復

書而自相矛盾如此決難盡信也

改置行中書省案元史百官志是年復置福建行中

六年置福建江西等處一二十六年置福建行樞密院

至是天下大亂福建諸路及廣東潮州俱平章陳有

定據而守之

明

明史地理志福建禹貢揚州之域太祖吳元年十二

月平陳友定洪武二年五月仍置福建等處行中書

省九年六月改行中書省爲承宣布政使司領府八

閩中沿革表

卷一

三十六

直隸州一屬縣五十七福州府太祖吳元年爲府領

縣九閩倚侯官倚長樂府東福清府南連江府東羅

源府東古田府西閩清府北永福府南興化府洪武

元年爲府領縣二莆田倚仙遊府西建寧府洪武元年

爲府領縣八建安倚甌寧倚建陽府北崇安府北浦

城府北松溪府東政和府東壽寧府東延平府洪武元年爲

府領縣七南平倚將樂府西沙南府西尤溪府南順昌府北

永安府南大田府南汀州府洪武元年爲府領縣八

長汀倚寧化府北上杭府南武平府南清流府北連城

府東歸化府北永定府南邵武府太祖吳元年爲府領

閩中沿革表

卷一

三十七

縣四邵武倚光澤府北泰寧府南建寧府南泉州府

洪武元年爲府領縣七晉江倚南安府少同安府南西

惠安府北安溪府西永春府北德化府北漳州府洪武

元年爲府領縣十龍溪倚漳浦府南龍巖府西長泰府東南

靖府西漳平府北平和府南詔安府南海澄府南寧洋府西

北福寧州洪武二年八月降爲縣屬福州府成化九

年三月升爲州直隸布政使司領縣二寧德州南福

安州北西